

Zbirka medijskih objava

VladaBrckoDistrikta_kliping_dnevno,
za razdoblje 12. 6. 2019

Broj objava: 20

Internet: 8

Televizija: 4

Štampa: 8

Teme praćenja:

Vlada Brčko Distrikta: 5

Gradonačelnik Brčko: 6

Skupština Brčko Distrikta: 0

Brčko: 13

Vlada Brčko Distrikta:

Televizija	Naslov	Prijem za učesnike turnira veterana u malom fudbalu		
Serijski br. 1	Medij; Doseg	BDC TV; , Bosna i Hercegovina	19:00	Trajanje: 2 min
	Rubrika, Datum	Centralne vijesti; 10. 6. 2019		
Stranica u zbirci: 6	Autor	Unknown		
	Teme	Vlada Brčko Distrikta		

Televizija	Naslov	Usvojen kriterijum za dodjelu grantova		
Serijski br. 2	Medij; Doseg	BDC TV; , Bosna i Hercegovina	19:00	Trajanje: 2 min
	Rubrika, Datum	Centralne vijesti; 11. 6. 2019		
Stranica u zbirci: 7	Autor	Unknown		
	Teme	Vlada Brčko Distrikta		

Internet	Naslov	Brčko: Večeras koncert „Lexington Banda“		
Serijski br. 3	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 11. 6. 2019		
Stranica u zbirci: 8	Autor	Unknown		
	Teme	Vlada Brčko Distrikta		

Štampa	Naslov	Otac Aleksandar: Neko mora odgovarati za smrt naše bebe		
Serijski br. 4	Medij; Doseg	Dnevni avaz; 50.000, Bosna i Hercegovina	Stranica: 12	Površina: 313 cm ²
	Rubrika, Datum	Teme; 12. 6. 2019		
Stranica u zbirci: 9	Autor	E. R.		
	Teme	Vlada Brčko Distrikta , Gradonačelnik Brčko Distrikta , Brčko		

Štampa	Naslov	Novac nevladinim organizacijama za sport i kulturu		
Serijski br. 5	Medij; Doseg	Euro Blic; , Bosna i Hercegovina	Stranica: 24	Površina: 110 cm ²
	Rubrika, Datum	Regioni; 12. 6. 2019		
Stranica u zbirci: 10	Autor	Unknown		
	Teme	Vlada Brčko Distrikta , Brčko		

Gradonačelnik Brčko Distrikta:

Televizija	Naslov	Jedinstvo prvak Druge lige – Istok FSRS		
Serijski br. 1	Medij; Doseg	BDC TV; , Bosna i Hercegovina	19:00	Trajanje: 2 min
	Rubrika, Datum	Centralne vijesti; 10. 6. 2019		
Stranica u zbirci: 11	Autor	Unknown		
	Teme	Gradonačelnik Brčko Distrikta		

Televizija	Naslov	Brankica Mihajlović jedan od najboljih ambasadora Srpske		
Serijski br. 2	Medij; Doseg	BDC TV; , Bosna i Hercegovina	19:00	Trajanje: 2 min
	Rubrika, Datum	Centralne vijesti; 10. 6. 2019		
Stranica u zbirci: 12	Autor	Unknown		
	Teme	Gradonačelnik Brčko Distrikta		

Internet	Naslov	Brčko: U Bijeloj služen parastos stradalim borcima i civilima		
Serijski br. 3	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 11. 6. 2019		
Stranica u zbirci: 14	Autor	Unknown		
	Teme	Gradonačelnik Brčko Distrikta		

Internet	Naslov	Koncert Župnog zbora Presvetog Srca Isusova – Brčko u Boki Kotorskoj		
Serijski br. 4	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 11. 6. 2019		
Stranica u zbirci: 17	Autor	Unknown		
	Teme	Gradonačelnik Brčko Distrikta		

Štampa	Naslov	Otac Aleksandar: Neko mora odgovarati za smrt naše bebe		
Serijski br. 5	Medij; Doseg	Dnevni avaz; 50.000, Bosna i Hercegovina	Stranica: 12	Površina: 313 cm ²
	Rubrika, Datum	Teme; 12. 6. 2019		
Stranica u zbirci: 18	Autor	E. R.		
	Teme	Vlada Brčko Distrikta , Gradonačelnik Brčko Distrikta , Brčko		

Štampa	Naslov	ЛЕКАРИ ИЗ БРЧКОГ ПОД ЛУПОМ		
Serijski br. 6	Medij; Doseg	Večernje novosti - Republika Srpska; , Bosna i Hercegovina	Stranica: 18	Površina: 52 cm ²
	Rubrika, Datum	Republika Srpska; 12. 6. 2019		
Stranica u zbirci: 19	Autor	M. D.		
	Teme	Gradonačelnik Brčko Distrikta , Brčko		

Brčko:

Internet	Naslov	Brčko: Fond sprema olakšice u borbi za potomstvo		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 11. 6. 2019		
Stranica u zbirci: 21	Autor	Unknown		
	Teme	Brčko		

Internet	Naslov	U Gornjem Zoviku održani 1. „Dani Zove“		
Serijski br. 2	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 11. 6. 2019		
Stranica u zbirci: 25	Autor	Unknown		
	Teme	Brčko		

Internet	Naslov	Priprema se brezopoljsko "Kulturno ljeto" Istaknuto		
Serijski br. 3	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 11. 6. 2019		
Stranica u zbirci: 26	Autor	Unknown		
	Teme	Brčko		

Internet	Naslov	Književni klub BDBiH: Sutra promocija knjiga Save Pajkića		
Serijski br. 4	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 11. 6. 2019		
Stranica u zbirci: 28	Autor	Unknown		
	Teme	Brčko		

Internet	Naslov	U Brčkom održana radionica „Položaj i zaštita novinarki u bh. medijima“		
Serijski br. 5	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 11. 6. 2019		
Stranica u zbirci: 33	Autor	Unknown		
	Teme	Brčko		

Štampa	Naslov	Otac Aleksandar: Neko mora odgovarati za smrt naše bebe		
Serijski br. 6	Medij; Doseg	Dnevni avaz; 50.000, Bosna i Hercegovina	Stranica: 12	Površina: 313 cm ²
	Rubrika, Datum	Teme; 12. 6. 2019		
Stranica u zbirci: 34	Autor	E. R.		
	Teme	Vlada Brčko Distrikta , Gradonačelnik Brčko Distrikta , Brčko		

Štampa	Naslov	Seksualno iskorištavanje djece, prosjačenje, robovlasništvo, prisilni brakovi		
Serijski br. 7	Medij; Doseg	Dnevni list; , Bosna i Hercegovina	Stranica: 8	Površina: 230 cm ²
	Rubrika, Datum	Događaji; 12. 6. 2019		
Stranica u zbirci: 35	Autor	B. K.		
	Teme	Brčko		

Štampa	Naslov	Novac nevladinim organizacijama za sport i kulturu		
Serijski br. 8	Medij; Doseg	Euro Blic; , Bosna i Hercegovina	Stranica: 24	Površina: 110 cm ²
	Rubrika, Datum	Regioni; 12. 6. 2019		
Stranica u zbirci: 36	Autor	Unknown		
	Teme	Vlada Brčko Distrikta , Brčko		

Štampa	Naslov	OKRUŽENI MRAKOM I SMRADOM, nemaju sapun ni toalet-papir		
Serijski br. 9	Medij; Doseg	Nezavisne novine; , Bosna i Hercegovina	Stranica: 2	Površina: 356 cm ²
	Rubrika, Datum	Događaji; 12. 6. 2019		
Stranica u zbirci: 38	Autor	Sladojević Dragan		
	Teme	Brčko		


Štampa	Naslov	Nekoliko lokacija u Incelu zagađeno piralenom		
Serijski br. 10	Medij; Doseg	Poslovne novosti; , Bosna i Hercegovina	Stranica: 1	Površina: 224 cm ²
	Rubrika, Datum	Poslovne novosti; 12. 6. 2019		
Stranica u zbirci: 39	Autor	Unknown		
	Teme	Brčko		

Štampa	Naslov	ЛЕКАРИ ИЗ БРЧКОГ ПОД ЛУПОМ		
Serijski br. 11	Medij; Doseg	Večernje novosti - Republika Srpska; , Bosna i Hercegovina	Stranica: 18	Površina: 52 cm ²
	Rubrika, Datum	Republika Srpska; 12. 6. 2019		
Stranica u zbirci: 40	Autor	M. D.		
	Teme	Gradonačelnik Brčko Distrikta , Brčko		


Štampa	Naslov	NA DULJA PUTOVANJA KRENITE U RANIM JUTARNJIM ILI KASNIM POPODNEVNIM SATIMA		
Serijski br. 12	Medij; Doseg	Večernji list; , Bosna i Hercegovina	Stranica: 10	Površina: 193 cm ²
	Rubrika, Datum	Aktualno; 12. 6. 2019		
Stranica u zbirci: 41	Autor	R. I.		
	Teme	Brčko		

Štampa	Naslov	Građani plaćaju slovne pogreške bh. službenika		
Serijski br. 13	Medij; Doseg	Večernji list; , Bosna i Hercegovina	Stranica: 10	Površina: 436 cm ²
	Rubrika, Datum	Aktualno; 12. 6. 2019		
Stranica u zbirci: 42	Autor	Vidačak Ljiljana		
	Teme	Brčko		

Jedinstvo prvak Druge lige – Istok FSRS




Brankica Mihajlović jedan od najboljih ambasadora Srpske



Prijem za učesnike turnira veterana u malom fudbalu



Usvojen kriterijum za dodjelu grantova



Brčko: U Bijeloj služen parastos stradalim borcima i civilima

utorak, 11 jun 2019 23:22

Autor **srna**

Kategorija: Vijesti **Brčko**



Kod spomenika u porti crkve u mjestu Bijela kod **Brčkog** danas je služen parastos, zapaljene svijeće i položeno cvijeće za 18 poginulih boraca Vojske Republike Srpske i civila nastradalih u proteklom odbrambeno-otadžbinskom ratu.

Na spomeniku je uklesano 18 imena Srba ubijenih 1992. godine, neki kao borci, a neki kao civili na kućnom pragu.

Predsjednik Boračke organizacije Republike Srpske u **Brčkom** Cvijetin Simić rekao je da ovakva obilježavanja moraju biti nastavljena iz godine u godinu, kako se ne bi zaboravila istina i ono što se dogodilo.

"Veoma su važni ovakvi događaji, da porodice poginulih boraca i njihova djeca vide da neko na njih misli i da se ti ljudi nikako ne smiju zaboraviti", rekao je Simić.

On je dodao da se podizanje spomenika poginulim borcima i organizacija parastosa finansiraju sredstvima udruženja i uz podršku **gradonačelnika Brčko distrikta** Siniše Milića.

Mještani čiji su bliži članovi porodice nastradali u ovom mjestu prije 27 godina razočarani su jer za ove

zločine još niko nije odgovarao.

Milica Perić, koja je tada izgubila majku, brata i djevera, istakla je da tuga s godinama ne jenjava.

"Tolike godine niko nikada nije odgovarao za te žrtve, a brat i majka ubijeni su na kućnom pragu, ovo je van svake pameti", rekla je Perićeva.

Pero Perić iz Bijeke rekao je da se dobro sjeća tog dana.

"U jedan sat po danu iznenada su krenuli napadi paravojnih hrvatskih formacija. Mi nismo bili spremni, a i bilo nas je malo tako da nismo imali mnogo šanse", rekao je Perić.

Parastosu su, osim članova porodica poginulih i brojnih mještana, članova udruženja proisteklih iz proteklog odbrambeno-otadžbinskog rata, prisustvovali i predstavnici izvršne i zakonodavne vlasti distrikta iz reda srpskog naroda.

Brčko: Fond sprema olakšice u borbi za potomstvo

utorak, 11 jun 2019 23:34

Autor **Blic**

Kategorija: Vijesti **Brčko**



Fonda zdravstvenog osiguranja **Brčko** distrikta potpisaoće ugovore s klinikama u BiH koje se bave biomedicinski potpomognutom oplodnjom. To će omogućiti direktno plaćanje troškova klinikama umesto dosadašnje refundacije troškova osiguranicima.

- Odlučili smo da se kompletno finansiranje više ne vrši na način da troškove plaća pacijent, a da mu to posle Fond refundira, jer se zaista radi o visokim iznosima koje nije lako obezbediti. Zaključićemo ugovore sa svim zainteresovanim ustanovama koje pružaju uslugu asistiranu reprodukciju. Objavićemo javni poziv i videti ko će nam se obratiti sa pismom namere za saradnju, nakon čega ćemo proveriti kadrovske i tehničke uslove i zaključiti ugovore koji će im omogućiti da nam direktno dostavljaju fakture za izvršenu uslugu - rekao je Miodrag Todorović, v.d. direktora Fonda zdravstvenog osiguranja.

Ovu odluku Upravni odbor FZO **Brčko** distrikta doneo je na inicijativu Udruženja „Beba više“ iz **Brčkog**, koje je ovih dana sa predstavnicima Fonda i klinika iz Sarajeva, Banjaluke i Tuzle organizovalo sastanak na kom se razgovaralo o konkretizaciji odluke.

- Na ovaj način pomoći ćemo ljudima koji su dizali kredite da bi odlazili na postupke biomedicinski potpomognute oplodnje, a posle refundirali te troškove tako što će biti oslobođeni niza administrativnih procedura i plaćanja kamata na kredite - kaže Željko Lazarević, predsednik Udruženja „Beba više“, dodajući da su ostvarili odličnu saradnju sa Fondom i da će je uskoro ozvaničiti i potpisivanjem

memoranduma.

Marko Stanarević iz klinike "Medico S" Banjaluka rekao je da je ova klinika zainteresovana da upozna predstavnike FZO **Brčko** i Udruženja „Beba više“ sa mogućnostima u postupcima vantelesne oplodnje.

- Od kada postojimo na svet je došlo 1.200 beba, a od prošle godine članica smo pronatal grupacije iz Češke, jedne od najvećih kompanija koje se bave vantelesnom oplodnjom. Imaju sedam centara veštačke oplodnje, a mi smo njihov prvi iskorak izvan Češke - rekao je Stanarević.

Do 2014. godine FZO **Brčko** finasirao je jedan, a od te godine i drugi pokušaj vantelesne oplodnje. Od oktobra prošle godine odobreno je i finansiranje trećeg pokušaja vantelesne oplodnje za koji je starosna granica sa 42 pomerena na 45 godina starosti.

- Pokrenuli smo inicijativu kako bi izmenili odluku koja propisuje da pravo na treći pokušaj vantelesne oplodnje imaju žene do 45 godina starosti pod uslovom da su prethodno prošle dva pokušaja vantelesne oplodnje koji se finansiraju iz subvencija Fondu zdravstvenog osiguranja. Smatramo da to pravo treba omogućiti i ženama koje su prethodno uz pomoć nekog drugog fonda ili vlastitim sredstvima finansirale dva prethodna pokušaja - kaže Lazarević i dodaje da je zahtev upućen nadležnom odeljenju za zdravstvo i da se nada da će se o njemu Vlada pozitivno izjasniti.

Za prvi pokušaj 6.000 KM

Fond zdravstvenog osiguranja **Brčko** prvi pokušaj vantelesne oplodnje finansira iznosom od 6.000 KM, dok se drugi i treći pokušaj finansira sa po 5.000 KM.

Zaključno s prošlom godinom finansirana su 232 pokušaja vantelesne oplodnje, a godišnje se za ovu svrhu kroz poseban projekat izdvaja oko 150.000 KM.

U Gornjem Zoviku održani 1. „Dani Zove“ Istaknuto



U nedjelju 09.lipnja na blagdan Duhova u Gornjem Zoviku održani su 1. „Dani Zove“, manifestacija koja predstavlja dan planinarskog društva „Granaš“, a ujedno i obljetnica otvaranja planinarskog doma Sveti Bernard.

Već u subotu je pristigla vesela skupina članova planinarskog društva „KISS“ iz Kiseljaka. Na planinarskom izletu uzelo je učešće više planinarskih društava, od kojih najbrojniji, njih 22 iz HPD „Cibalia“ iz Vinkovaca, potom 20 iz PSD „Gradina“ Gradačac. Učešćem u 1. Danima Zove doprinijeli su i dragi prijatelji iz PD Njivce – Bijela, PD „Konjuh“ - Tuzla, RPK „**Brčko** distrikt“, PD „Platani“ – **Brčko**, PD „Čičak“ – Orašje kao i PD „Tikvica“ – Županja.

Obzirom na lijep ali i vruć dan, polovica okupljenih na Danima Zove odlučila se na dužu srednje tešku kružnu stazu na pravcu planinarski dom Sveti Bernard – Torovi – Slatine – Slamovac – Štrepačke pećine – Mumina pećina – Štrepci – Pejkovac – planinarski dom Sveti Bernard, dok je druga polovica okupljenih uživala na kružnoj stazi planinarski dom Sveti Bernard – Torovi. Na info pultu ispred planinarskog doma gosti su bili u prilici kupiti sirup od Zove načinjen po tradicionalnom receptu mještana mjesta koje je i dobilo ime po Zovi, ali i domaće belegije najbolje kvalitete. Zbog loših vremenskih uvjeta u vrijeme

cvatnje bagrema, domaći pčelari nisu bili u mogućnosti ponuditi bagremov med koji je već osvajao znatna priznanja za kvalitetu.

U veseloj atmosferi nakon obištenih planinarskih staza uslijedilo je druženje, razmjena iskustava a za dobar ručak pobrinuli su se domaći kuhari, članovi PD „Granaš“. Veselju nakon ručka pridružili su se i brojni mještani okolnih sela.







Priprema se brezopoljsko "Kulturno ljeto" Istaknuto



Minule godine na uređenje plaže na desnoj obali rijeke Save, kod Brezovog Polja, uloženo je više od 50.000. maraka uglavnom budžetskih sredstava. Cijeli posao oko ovog projekta vodi Udruženje građana „Turistička zajednica“ Brezovo Polje.

“Postoji plan dodatnog uređenja plaže kroz adekvatniji prilaz samoj plaži i kupalištu s obzirom da u jeku sezona na obalama Save u Brezovom Polju zna dnevno boraviti više od 200 kupaca, i to ne samo iz **Brčkog** nego i okolnih mjesta sve do Bijeljine“, rekao je predsjednik Turističke zajednice Brezovo Polje Rasim Smajlović.

Pored pomenutog, zajednica intenzivno radi na pripremi 13. po redu brezopoljskog „Kulturnog ljeta“ manifestacije u okviru koje su planirana takmičenja u spremanju fiš paprikaša, ulovu ribe na plovak, zatim turniri u odbojci na pjesku, kao i utrke ribarskim čamcima na vesla. Održavanje manifestacije planirano je 12 i 13 jula.

<http://radiobrcko.ba>

Književni klub BDBiH: Sutra promocija knjiga Save Pajkića

Kako je najavljeno, pored autora, učesnici i promotori će biti: fra Petar Matanović, mr. Milorad Zivlak, novinar Sead Burić i Šefko Kaloper. Ulaz je slobodan.

Utorak, 11/06/2019 12:20




Foto: Književni klub BDBiH

Novinar: Dževad Turčalo

„Zašto Isus kasni“ i „Visočka čaršija, Čekrčići i drugi zapisi“, naslovi su dva rukopisa Save Pajkića koje Književni klub **Brčko** distrikt Bosne i Hercegovine promovira u ovom gradu.

Promocija će se održati 12. juna sa početkom u 19 sati, u prostorijama Udruženja ljubitelja umjetnosti **Brčko** (ULJUB), Trg mladih 11 (zgrada gdje je smještena brčanska likovna galerija, drugi sprat, ulaz od Delte).

Kako je najavljeno, pored autora, učesnici i promotori će biti: fra Petar Matanović, mr. Milorad Zivlak, novinar Sead Burić i Šefko Kaloper. Ulaz je slobodan.

„Dobro došli dragi gosti na ovo zanimljivo veče, neobične i drage promocije istinskog stvaraoca...“, poručili su iz Književnog kluba.

Koncert Župnog zbora Presvetog Srca Isusova – **Brčko** u Boki Kotorskoj

U okviru projekta „Prezentacija pjevačke i glazbene duhovne tradicije Hrvata brčanskog kraja“, Župni zbor Presvetog Srca Isusova – **Brčko** boravio je u Boki Kotorskoj od 7. do 9. juna.

Utorak, 11/06/2019 13:17



Foto: Župni zbor

Novinar: Dževad Turčalo

U okviru projekta „Prezentacija pjevačke i glazbene duhovne tradicije Hrvata brčanskog kraja“, Župni zbor Presvetog Srca Isusova – **Brčko** boravio je u Boki Kotorskoj od 7. do 9. juna (fotogalerija **ovdje**).

Bokokotorski zaljev je, prije svega, zanimljiv zbog svojih prirodnih ljepota, ali i zbog historijskog, kulturnog i religijskog značaja za Hrvate.

U ovome zaljevu su smještena mala mjesta s bogatom historijom, o čemu su članove Zbora upoznali njihovi domaćini: mons. Ilija Janjić, kotorski biskup, don Siniša Jozić, župnik u Herceg Novom, i don Željko Pasković, đakon koji je tih dana bio i vodič kroz prošlost i sadašnjost ovih prostora.

Perast je posebno zanimljiv zbog umjetnog otoka kojega su mještani napravili u sred zaljeva kako bi na njemu sagradili zavjetnu crkvu Gospi, koja kasnije postaje svetište Gospe od Škrpjela.

Ova muzej-crkvica s pripadajućim prostorijama skriva bogatu historiju ovih krajeva, ali i veliku vjeru pojedinaca, najčešće pomoraca i njihovih porodica, o čemu svjedoče freske i mnogi zavjetni darovi.

Ovu historiju i vjeru ljudi ovog kraja upotpunjuje župna crkva sv. Nikole u Perastu i crkva Gospe od Ružarija sa svojim znamenitostima.

Crkva Rođenja Blažene Djevice Marije ili, kako je domaće stanovništvo naziva, Bogorodičin hram, dominira nad mjestom Prčanj u kojoj se čuvaju djela domaćih i inostranih slikara i kipara.

Ovo mjesto je poznato po pomorskom kapetanu Ivanu Visinu, koji je prvi među južnoslavenskim narodima svojim jedrenjakom Splendido oplovio svijet, za što ga je tadašnja Austro-Ugarska nagradila zastavom Merito navali kao najvišim priznanjem.

Župni zbor je tokom svog boravka posjetio svetište blaženog Gracija iz Mua te obišao najpoznatija mjesta u Kotoru: crkvu sv. Marije gdje se čuva neraspadnuto tijelo blažene Ozane Kotorske, franjevačku crkvu sv. Klare u kojoj se nalazi barokni oltar koji je zanimljiv po prikazu anđela, pravoslavnu crkvu sv. Nikole u kojoj se nalaze najveće ikone evanđelista te katedralu sv. Tripuna. U sklopu katedrale je i prebogata riznica u kojoj se nalaze i relikvije sv. Tripuna.

Centralni događaj posjete Boki Kotorskoj bio je koncert tokom kojeg su izvedeni napjevi pjesama koji su karakteristični za ovo područje, kao što su: „Zdravo Tijelo“, „Rascviljena Majka staše“, „Ponizno se teb’ klanjamo“ i dr.

Tim povodom prisutni su upoznati s historijom, kulturom i tradicijom Bosne i Hercegovine, **Brčko** distrikta BiH te župom i Župnim zborom Presvetoga Srca Isusova – **Brčko** pod ravnanjem Stjepana Markića. Predstavljen je i rad Međureligijskog vijeća u BiH koji na području **Brčkog** ima svoj odbor.

Tokom programa predstavljen je svećenik Izidor Poljak čiji zemni ostaci počivaju na Katoličkom groblju u **Brčkom**.

Bio je poznat kao pjesnik koji je pisao duhovne, ljubavne i domoljubne pjesme u stilu Silvija Strahimira Kranjčevića.

U prigodnoj zahvali, biskupu Iliji su uručeni vino i umjetnički darovi koji predstavljaju brčanski kraj, a biskup je prisutne potaknuo na očuvanje historije i muzičke tradicije te ustrajnost u radu i u ovakvim projektima.

„Hvale vrijedno je spomenuti kako je ovaj koncert ostvaren uz potporu Središnjeg državnog ureda za Hrvate izvan Republike Hrvatske, Kotorske biskupije, **gradonačelnika Brčko distrikta** BiH-a, Pododjela za kulturu i sport, KUD Bijela i drugih donatora i prijatelja“, istakli su iz Zbora.

Ljepota ovog kraja upotpunjena je posjetom Herceg Novom, koji je ime dobio po herceg Stjepanu Vukčiću Kosači.

Zahvaljujući njemu ovaj grad je doživio renesansni procvat tokom 15. stoljeća i postao mjestom bogate kulturne baštine gdje se susreću i isprepliću Zapad i Istok.

U ovom gradu je Župni zbor još jednom imao priliku predstaviti kraj iz kojeg dolazi. Naime, svojim pjevanjem je svečano uzveličao sv. Misno slavlje u župnoj crkvi sv. Jeronima.

Nakon sv. Misnog slavlja, župnik don Siniša je ukratko opisao život i probleme s kojima se susreću ljudi ovoga grada, koji je ujedno i rodno mjesto sv. Leopolda Bogdana Mandića.

Leopold je tokom svoga života želio biti spona Zapada i Istoka i postao je prvi svojevrsni činitelj i zagovaratelj ekumenizma na ovim prostorima.

„Ovim projektom i posjetom je pokazana raznolikost i povezanost ljudi i krajeva. Ovakvi događaji mogu biti plodno tlo za buduće projekte i naraštaje“, zaključili su iz Zbora za Otisak.ba.

Brčko: Večeras koncert „Lexington Banda“

Sutra koncert Selme Bajrami.

Utorak, 11/06/2019 13:46



Foto: Lexington Band / Facebook / Arhiva

Novinar: Dževad Turčalo

U okviru kulturne manifestacije „Proljeće u gradu 2019“, čiji je pokrovitelj **Vlada Brčko distrikta** Bosne i Hercegovine, večeras će na brčanskom Trgu mladih, sa početkom u 20 sati, biti upriličen koncert grupe „Lexington Band“. Ulaz je besplatan.

Sutra, sa početkom u isto vrijeme i na istom mjestu, muzički dio ovogodišnje manifestacije „Proljeće u gradu“ bit će okončan koncertom Selme Bajrami.

U **Brčkom** održana radionica „Položaj i zaštita novinarki u bh. medijima“

Organizatori su se odlučili na ovaj korak zbog zaključka da su žene iskrivljeno predstavljene u medijima, kao i da je nizak broj žena na vodećim pozicijama u medijima.

Utorak, 11/06/2019 14:52



Fotoreporter: Kristian Bilić / Otisak.ba

Piše: Azra Bijedić

Danas je u prostorijama Hotela Jelena **Brčko** održana radionica „Položaj i zaštita novinarki u bh. medijima“.

Organizator radionice je Udruženje/Udruga BH novinari u okviru Programa za osnaživanje nezavisnih medija (IMEP projekat) i uz podršku Free Press Unlimited iz Holandije.

Organizatori su se odlučili na ovaj korak zbog zaključka da su žene iskrivljeno predstavljene u medijima, kao i da je nizak broj žena na vodećim pozicijama u medijima.



Milica Andrijašević, projekt koordinator iz Udruženja BH novinari (Fotoreporter: Kristian Bilić / Otisak.ba)

Rješenje problema kroz formiranje mreže novinarki

„Mi sa ovim projektom želimo da se fokusiramo na dva polja: zaštita novinarki od rodno zasnovanog nasilja i poboljšanje njihovih ljudskih prava, te poboljšanje položaja novinarki u redakcijama. Smatramo da se problem može riješiti formiranjem mreže novinarki, odnosno da se novinarke više solidarišu, umrežavaju i jasnije i glasnije zahtijevaju poštivanje svojih prava i efikasniju zaštitu pravosudnih institucija“, kazala je Milica Andrijašević, projekt koordinator iz Udruženja BH novinari.

Ona je dodala da je u posljednje tri godine bilo oko 50 prijavljenih napada na novinarke. Što se tiče žena i pozicija u medijima, na poziciji direktorice se nalazi oko 25% žena, a najgora je stanje na tv sektoru gdje je ukupno 15% žena na poziciji direktora.

Najviše žena je na poziciji glavne i odgovorne urednice na radijskom sektoru, a najmanje u online medijima.



Cvijeta Kovačević, novinarka EuroBlica i portala Srpskainfo (Fotoreporter: Kristian Bilić / Otisak.ba)

U **Brčkom** ujednačena struktura zaposlenih u novinarstvu

„Što se tiče **Brčko** distrikta mogu reći da je prilično ujednačena struktura zaposlenih žena i muškaraca u novinarstvu, da imamo prilično solidnu strukturu kada je riječ o rukovodećim pozicijama u pojedinim medijima. Žene su uglavnom angažovane na poslovima novinara, novinara-voditelja i marketinga i ne mogu reći da su diskriminirane u odnosu na muškarce kada je riječ o **Brčkom**“, kazala je Cvijeta Kovačević, novinarka EuroBlica i portala Srpskainfo.

Smatra da je osnovni problem koji je prisutan ovdje, kao i u većini medija, neriješen radno-pravni status zaposlenih u medijima te da je to jedinstveni problem i za muškarce i za žene.



Fatima Bećirović, iz Gender centra Vlade Federacije BiH (Fotoreporter: Kristian Bilić / Otisak.ba)

Žene nisu dovoljno informisane o svojim pravima

„U BiH postoji niz zakonskih propisa koji tretiraju ovu oblast, koji treba da štite sve građane, pa tako i novinarke i na određeni način možemo biti zadovoljni što postoje ti zakonski propisi, kako domaćeg, tako i međunarodnog okvira. Ono što je generalni problem jeste da se ti zakonski propisi ne koriste, odnosno da su nažalost novinarke vrlo neinformirane po pitanju njihovih prava, po pitanju onoga što mogu da naprave i kako da se zaštite i nažalost, zbog tog neznanja i neinformiranosti vrlo rijetko se obraćaju institucijama za pomoć“, kazala je Fatima Bećirović, iz Gender centra Vlade Federacije BiH.

Ona je istakla da su istraživanja pokazala da se samo 30% prijavljenih napada sudski procesuiraju.



Admir Kadrić, predsjednik Kluba BH novinara Bosanska Posavina **Brčko** (Fotoreporter: Kristian Bilić / Otisak.ba)

Nema zvaničnih informacija o mobingu u novinarstvu po spolnoj osnovu u **Brčkom**

„Mislim da kolegice, zajedno sa nama, rade kvalitetno posao i da je broj zaposlenih kolegica i kolega, barem u novinarskom dijelu, gotovo jednak i da nisu ni po čemu pošteđene kada je ovaj posao u pitanju. Ono što je također važno, zvanično nemam nikakvih informacija o postojanju mobinga u novinarstvu po spolnoj osnovi, prošle godine smo imali jedan napad na kolegicu, ali taj napad je policija identifikovala kao napad na ličnost, a ne na novinarku“, kazao je Admir Kadrić, predsjednik Kluba BH novinara Bosanska Posavina **Brčko**.

Radionica u **Brčkom** je druga po redu, prva je bila nekoliko dana ranije u Zenici, a iduće će se održati u Tuzli, a zatim u Banjaluci.



SOKANTNO Nakon što je u bolnici u **Brčkom** ugašen tek započeti život

Otac Aleksandar: Neko mora odgovarati za smrt naše bebe

Bolnica u Distriktu nema ni pedijatra ni neonatologa, tvrdi majka Nataša i dodaje da je njenog tek rođenog sinčića „uzeo sistem“

U koloni nezadovoljnih koji su u nedjelju bili na protestima u **Brčkom** bio je i Aleksandar Subotić, otac bebe koja je nedavno preminula u brčanskom porodilištu.

Upravo je njena smrt, nažalost, bila i povod protestima na kojima su Brčanci tražili od vlasti Distrikta da osigura bolje uvjete u zdravstvu, posebno u porodilištu.

Natjerani smo

Aleksandar Subotić još je u šoku nakon tragedije

Vlada zatražila mjere

Vlada Distrikta zatražila je od šefa Odjeljenja za zdravstvo da s Javnom zdravstvenom ustanovom predloži mjere za unapređivanje kvaliteta zdravstvene zaštite.

- Očekujemo da prvi



Gradani Brčkog protestnom šetnjom tražili bolje uvjete u zdravstvu

koja je njegovu porodicu zadesila prošlog mjeseca.

stručni nadzor bude pokrenut na Ginekologiji i Internom odjeljenju bolnice – kazao je Siniša Milić, gradonačelnik Brčkog.

On je priznao da zna za zabrinutost građana zbog stanja na Ginekologiji

Priča nam kako je njegova supruga Nataša primljena na Odjel neonatologije u 37. sedmici trudnoće, dvije sedmice prije predviđenog termina za porodaj. Dežurni lekar nakon pregleda je odlučio obaviti porodaj te je uključio terapiju za izazivanje kontrakcija.

- Istog dana dobili smo dječaka, vodio se kao zdrava

beba. Nešto kasnije rekli su nam da beba mora u inkubator. Tokom noći javile su se komplikacije, teško je disao, animirali su ga, ali moj sin je preminuo - kaže Subotić.

Dodaje da je patološki nalaz pokazao da je beba umrla zbog poremećaja disanja.

Najprije nismo htjeli tražiti krivca za smrt naše bebe. Ali, bukvalno smo natjerani. Kad smo zatražili obdukciju, lekari su nam

govorili da za to nema potrebe, dali nam formular, pa suprugu otpustili iz bolnice. Niko nam se nije obratio. Jednostavno su nas prepustili. Neko mora odgovarati za smrt naše bebe - kaže Subo-

tić i najavljuje da će sa suprugom pravdu tražiti putem suda.

Ne zna kako će se taj proces završiti, ali zbog budućih beba i roditelja smatra da je važno ukazivati, jer je uvjeren da je osoblje bolnice načinilo propuste.

Supruga Nataša javnosti se obratila dirljivim postom na društvenim mrežama i opisala najljepše i najteže dane u životu. Ona je ustvrdila da je njenu bebu „uzeo sistem“.

Surovi svijet

- Njihova greška je bila što su pogrešno računali zrelost trudnoće, pogrešno izabrali termin poroda, pogrešno procijenili stanje bebe, što nisu uključili terapiju - napisala je Nataša Subotić uz napomenu da u bolnici nema ni neonatologa ni pedijatra. **E. R.**



SUBOTIĆ:
Niko nam se nije obratio



Trgovina ljudima u BiH raste iz godine u godinu

Seksualno iskorištavanje djece, prosjačenje, robovlasništvo, prisilni brakovi...

Ukoliko uskoro ne budu pooštrene sankcije trgovina ljudima mogla bi postati jedan od krupnih problema Bosne i Hercegovine, jer broj identificiranih žrtava raste iz godine u godinu.

Cijeloj situaciji doprinose blaga kaznena politika u slučajevima trgovine ljudima pred domaćim pravosudnim institucijama, te stručnjaci upozoravaju da je takvo stanje poprilično alarmantno.

Različiti oblici eksploatacije

Što je posebno zabrinjavajuće, podaci pokazuju da među žrtvama ima više maloljetnika i da su ženske osobe seksualno iskorištavane, a romska djeca podvrgnuta prisilnom prosjačenju, činjenju kaznenih djela i služenju u domaćinstvima i na silu uvedena u brakove.

Vijeće ministara BiH usvojilo je Izvještaj Ministarstva sigurnosti o stanju u oblasti trgovine ljudima u Bosni i Hercegovini za 2018. godinu. Prema prikupljenim podacima iz tužiteljstava, službi za provođenje zakona, centara za socijalni rad te nevladinih organizacija, u prošloj godini identificirano je 36 potencijalnih žrtava trgovine ljudima, s različitim oblicima eksploatacije.

Među njima je 12 korišteno

za prosjačenje, devetero je bilo seksualno iskorištavano, šestero je korišteno za prodaju radi prisilnog sklapanja braka, a registrirana je i po jedna radna eksploatacija,

spolni odnos s djetetom i bludna radnja, dok je u šest slučajeva zabilježen jedan od ostalih oblika eksploatacije.

- Među potencijalnim žrtvama trgovine je bilo 12

punoljetnih, a 24 su maloljetnici. Istovremeno je 21 žrtva bila ženskog, a 15 muškog spola. Iz Bosne i Hercegovine je bilo 28 žrtava, a njih osam su strani državljani. Tužiteljstva su donijela 41 naredbu o provođenju istrage protiv 79 osoba i podigla 26 optužnica protiv 37 osoba, dok su sudovi izrekli 48 osuđujućih presuda protiv isto toliko osoba za krivična djela trgovine ljudima i povezana krivična djela – stoji u Izvještaju.

Preblage kazne

Nadležne institucije u BiH i organizacije civilnog društva u suradnji s međunarodnim organizacijama i partnerskim zemljama su od 80 aktivnosti planiranih Akcijskim planom suprotstavljanja trgovini ljudima u BiH za period 2016 – 2019 u potpunosti realizirali 63 aktivnosti, njih 12 je realizirano djelomično, a za pet aktivnosti realizacija nije započeta u izvještajnom periodu.

Da ovo nisu samo puki izvještaji, da se najgori scenarij možda upravo sada dešava u vašem susjedstvu, dokazuje slučaj iz **Brčkog koji je** prošle godine šokirao javnost. Podsjetimo, robovlasnik Mustafa Husejnović osuđen je na godinu zatvora jer je sugrađanina A. T. i članove njegove obitelji duže vrijeme izrabljivao i iskorištavao.

Prema optužnici, po kojoj je i stigla presuda, Husejnoviću se na teret stavilo da je, služeći se prevarama i prijetnjama da će upotrijebiti silu prema A. T. i članovima njegove porodice, oštećenog doveo u ropски odnos, tako što ga je na prevaru uveo u dug kojeg je neprestano uvećavao. Husejnović je, naime, oštećenog izrabljivao prisiljavajući ga da mu na ime duga za prodati automobil realne vrijednosti od oko 7.000 KM otplati tri puta veću cijenu. Nakon što je oštećeni otplatio 18.000 KM pa zbog optuženog ostao i bez redovnog posla, bio je prinuđen davati mu sve sporadične dnevne zarade. Na kraju, kada uopće nije imao novca, morao je osuđenom obavljati kućne poslove bez naknade i zabavljati ga. **B.K.**

Tužiteljstva su donijela 41 naredbu o provođenju istrage protiv 79 osoba i podigla 26 optužnica protiv 37 osoba, dok su sudovi izrekli 48 osuđujućih presuda





Novac nevladinim organizacijama za sport i kulturu

VLADA BRČKO DISTRIKTA

donela je na vanrednoj sednici Odluku o utvrđivanju kriterija za korištenje novčanih sredstava s pozicije grantova neprofit-

nim organizacijama za 2019. po javnom pozivu u Odeljenju za privredni razvoj, sport i kulturu i Odluku o usvajanju Programa utroška tekućih grantova u ovom Odeljenju.

Pero Gudeljević, šef odeljenja, rekao je da su ovim odlukama stvorene pretpostavke da se u odgovarajućoj proceduri grantovi mogu raspodeliti onima kojima su namenjeni.

- Deo sredstava odnosi se na pozicionirane grantove koji su budžetom namenjeni za određena udruženja, a deo sredstava biće dodeljen na osnovu usvojenih kriterija - rekao je Gudeljević.



Za pomoć nevladinim organizacijama u oblasti sporta izdvojen je iznos od 1.189.400 KM, za oblast kulture 200.000 KM, a za projekte i manifestacije planirane su 334.000 KM.

Kriteriji se nisu menjali u odnosu na prethodne godine, osim što će ubuduće udruženja moći učestvovati u ovoj raspodeli nakon pet godina aktivnog delovanja u sportu za koji su registrovani. To se ne odnosi na klubove koji već primaju grantove - pojasnio je Gudeljević. On je istakao da je Vlada Brčko distrikta raspravljala o tome da li su i u kojoj meri kriteriji raspodele novca pravični i pravedni prema svim klubovima i da je zadužila Odeljenje da do sledeće godine napravi pojedinačne kriterije za svaki sport kako bi bila odagnana svaka sumnja da je neki od sportova privilegovani. ■



Tokom posjete
Policiji **Brčko**
distrikta BiH uočeno
da u prostorijama
za zadržavanje
ne postoji mokri
čvor, već je u
zasebnoj
prostoriji

Dragan SLADOJEVIĆ
dragans@nezavisne.com

BANJALUKA, **BRČKO** - Ombudsmani za ljudska prava BiH obišli su brojne prostorije u kojima policija širom BiH smješta uhapšene, a neki od problema koje su uočili jesu vlaga i neugodan miris, manjak svjetlosti, te nedostatak higijenskih sredstava, uključujući i sapune i toalet-papir.


Kao jedan od osnovnih problema, uočenih tokom prošlogodišnjeg obilaska ovih prostorija, naglašeno je da policijske uprave ne raspolažu dovoljnim brojem prostorija za zadržavanje, kao i da su postojeće prostorije ograničenog kapaciteta.

HIGIJENA: Pojedinačno gledano, manje-više svaka policijska organizacija ima o čemu da povećati računa, pa je tako primjera radi, tokom posjete Policiji **Brčko** distrikta BiH uočeno da u prostorijama za zadržavanje ne postoji mokri čvor, već je u zasebnoj prostoriji, a u kojoj nije bilo niti toalet-papira niti drugih sredstava za higijenu. Zamjerke su pronađene i u prostorijama Policijske stanice Travnik, gdje se, utvrđeno je, nalaze čelični kreveti s madracima na kojima nema posteljine niti jastuka. "Svaka prostorija za zadržavanje ima čučavac, nema umivaonik, a vodikotlič nije u funkciji. Zidovi nisu okrečeni, a vidljiva su oštećenja uzrokovana vlagom", naveli su ombudsmani u Specijalnom izvještaju o stanju u prostorijama za zadržavanje u pojedinim policijskim upravama



**Ombudsmani zavirili u policijske prostorije
u kojima borave uhapšeni širom BiH**

**OKRUŽENI
MRAKOM I
SMRADOM,**
nemaju sapun
ni toalet-papir



hladna voda) koji su uredno očišćeni i u dobrom stanju, ali bez toalet-papira, sapuna, odnosno osnovnog higijenskog paketa", opisali su ombudsmeni stanje u Prijedoru.

Sličnih problema ima i kada je riječ o Policijskoj stanici Bijeljina 1, gdje je utvrđeno da u prostorijama ne postoji mogućnost prirodne ili vještačke ventilacije, tako da je u njima, kako se navodi - osjetan izrazito neugodan miris.

"Prirodno i vještačko osvjetljenje prostorija je veoma slabo. Svaka prostorija za zadržavanje ima čučavac, koji je oštećen, te ne posjeduje umivaonik. Konstatovano je da se u prostorijama za zadržavanje ne nalaze neophodna higijenska sredstva. Generalni zaključak nakon obavljene posjete je da su prostori-

je neuslovne i neadekvatne za boravak u h a - pše-

u BiH.

OŠTEĆENJA: Vлага je primijećena i tokom obilaska Druge policijske uprave Sarajevo, odnosno njihove Policijske stanice Centar, za čije su prostorije u kojima borave uhapšeni ombudsmeni napisali da su zidovi čisti i okrečeni, ali...

"U dijelu u kojem se nalazi mokri čvor uočena je vлага i znatna oštećenja po zidovima", konstatuju ombudsmeni.

Tokom posjete Policijskoj stanici Centar, u okviru Policijske uprave Banjaluka, ombudsmeni su uočili da postojeći kapaciteti u pogledu broja prostorija za zadržavanje ne zadovoljavaju potrebe. Veće zamjerke u Banjaluci nisu uočene.

"Plahte na krevetima su bile čiste, a čebad uredno složena. Prostorije imaju prozore i omogućen je dotok prirodne svjetlosti. Prozori se ne otvaraju, ali postoji odgovarajući ventilacioni sistem. Prilikom boravka u prostorijama nije zapažen neugodan miris. Sve tri prostorije sadrže mokri čvor i lavabo (samo hladna voda), te sapun, toalet-papir i ubrus", opisuje ombudsmeni stanje u Banjaluci.

NEKI OD UOČENIH PROBLEMA

- Vodokotlić nije u funkciji
- Nedostatak umivaonika
- Zidovi nisu okrečeni
- Oštećenja uzrokovana vlagom
- Slab dotok svježeg vazduha

T o - kom posjete Policijskoj stanici Prijedor 1 utvrđeno je da su prozori osigurani metalnim rupičastim pločama, tako da je dotok prirodne svjetlosti onemogućen, a zbog čega je i dotok svježeg vazduha veoma slab i nedovoljan.

NEUGODNO: "Prostorije sadrže sanitarni čvor i lavabo (samo

UOČENO I DA SU PROSTORIJE OGRANIČENOG KAPACITETA

nih", p r i - myecuju ombudsmeni.

Iz Policijske uprave Bijeljina rekli su za "Nezavisne" da će otklanjanje ovih nedostataka biti obavljeno u skladu s finansijskim mogućnostima. Ombudsmeni su, inače, o ovim problemima obavijestili i MUP RS, a dobili su i odgovor.

"Nakon analize specijalnog izvještaja, saglasni smo s utvrđenim stanjem na terenu i datim preporukama. MUP RS će u narednom periodu nastojati da preduzme konkretne mjere za adekvatno opremanje, kao i obezbjeđenje novih prostorija u kojima borave lica lišena slobode", navodi se u odgovoru.



SREBRENKA GOLIĆ, MINISTRICA ZA PROSTORNO UREĐENJE, GRAĐEVINARSTVO I EKOLOGIJU RS:

Nekoliko lokacija u Incelu zagađeno piralenom

Postoji rješenje za taj problem, ali je, kaže Golić, to skup proces asanacije tla

Ministrica za prostorno uređenje, građevinarstvo i ekologiju Republike Srpske (RS) Srebrenka Golić izjavila je juče da zagađenja piralenom postoje na nekoliko lokacija u poslovnoj zoni u banjalučkom Incelu, te očekuje da će za dvije sedmice biti poznati rezultati analize 40 uzoraka zemljišta.

Postoji rješenje za taj problem, ali je, kaže ona, to skup proces asanacije tla.

Odgovarajući na pitanja poslanika na početku jučerašnje sjednice Narodne skupštine RS-a, naglasila je da je u poslovnoj zoni Incel nekada radila hemijska industrija te da je to mjesto koje treba posebno opservirati i s njim posebno raditi.

"Smatramo da nije zagađena samo lokacija u objektu bivše Energane te da zagađenja postoje još na nekim drugim lokalitetima, u okviru te poslovne zone", rekla je Golić.

Iz resornog ministarstva su zatražili, kaže Golić, odgovor kako je došlo do požara na



Srebrenka Golić

lokaciji u Incelu na prostoru bivše Energane, gdje su transformatori koji su bili skladišteni prilikom privatizacije Energane te kakva je sada situacija na toj lokaciji. Požar je izbio 7. marta ove godine, a vatrogasci su ga gasili više od 24 sata. Nakon požara objavljeni su izvještaji iz 2005. godine u kojima se i tada ukazivalo

na prisustvo kancerogenih ulja na tom lokalitetu.

Što se tiče problema zagađenja rijeke Vrbas, istakla je da je rješenje da se postave tri mreže, nakon što je dosadašnja zaštitna mreža Eko centra Bočac pukla, a sav plutajući otpad koji je mreža zadržavala voda je donijela do hidroelektrane Bočac i tu je zaustavljen.

Naglasila je da će opštine u tom slivu Vrbasa morati redovno da vrše prikupljanje ambalažnog otpada.

Ona je dodala da je problem plutajućeg otpada u slivu Vrbasa međuentitetsko pitanje u čije rješavanje moraju da budu uključeni predstavnici svih relevantnih ustanova.

Inače, poslanici Narodne skupštine RS raspravljat će i o, između ostalog: podsticajima u privredi, izmjeni Zakona o bankama, porezu na dobit, društvima za osiguranje, unutrašnjem platnom prometu, fiskalnim kasama, te o izradi Plana parcelacije za autoput i gasovod dionice Vukosavlje-Brčko i **Brčko-Rača**.



■ ЛЕКАРИ ИЗ БРЧКОГ ПОД ЛУПОМ

РАЗМАТРАЈУЋИ стање у брчанском Здравственом центру, Влада Брчко дистрикта БиХ је усвојила закључак о покретању стручног надзора над радом те јавне здравствене установе. Градоначелник Брчко дистрикта БиХ Синиша Милић каже да је после неколико смртних случајева у том центру, јавност узнемирена што је налагало хитне и свеобухватне потезе.



- Тражили смо да шеф Одељења за здравство покрене процедуру екстерног стручног надзора над радом ЈЗУ, нарочито у области секундарне здравствене заштите. Први стручни надзор, који очекујемо да буде покренут јесте на гинекологији и интерном одељењу болнице - нагласио је градоначелник Милић. Он је подсетио да је у јавности дистрикта изражено доста забринутости изазвано стањем на гинекологији.

- Недавни смртни случај је узнемирио овдашњу јавност што је утицало да се врло озбиљно бавимо том ситуацијом - закључио је Милић и изразио очекивање да ће менаџмент ЈЗУ предложити мере, које би унапредиле квалитет здравствене заштите. М. Д.



PREPORUKE BIHAMK-A:

NA DULJA PUTOVANJA KRENITE U RANIM JUTARNJIM ILI KASNIM POPODNEVNIM SATIMA

Nakon izvlačenja teretnog vozila normaliziran je promet na magistralnoj cesti M-5 Travnik - Donji Vakuf na planinskom prijevoju Komar. Uz povoljne vremenske prilike, iz dana u dan povećava se i broj motociklista i biciklista u prometu, pa su iz Bosanskohercegovačkog auto-moto kluba (BiHAMK) pozvali na dodatni oprez sve vozače. Zbog visokih dnevnih temperatura preporučili su da se na dulja putovanja kreće u ranim jutarnjim ili pak kasnim popodnevnim satima.

Savjetovali su i opreznu vožnju, obvezno držanje odstojanja između vozila te izbjegavanje rizičnih pretjecanja. Zbog radova u tunelu Vranduk II, na magistralnoj cesti M-17 Zenica - Nemila jučer se prometovalo jednim trakom - naizmjenično. Zbog pojačane frekvencije vozila jučer tijekom dana dolazilo je do formiranja dužih kolona u oba smjera. Sporije se prometovalo i na ostalim dionicama gdje se vrši sanacija radova. Izdvajaju se magistralne ceste Srebre-

nik - Orašje, Olovo - Kladanj - Vlasenica, Semizovac - Vogošća, Stolac - Neum, Bradina - Podorasac, Cazin - Srbijani - Bosanska Krupa, Ustiprača - Goražde - Ustikolina, kao i magistralna cesta M-5 u Jajcu i Ključu i M-17 u Mostaru. Na graničnim prijelazima jučer su zadržavanja bila oko 30 minuta. Iz sigurnosnih razloga obustavljen je promet za teretna vozila i autobuse na prometnicama prema i od mosta graničnog prijelaza **Brčko** - Gunja. **(ri)**



Vozači oprez: na cestama i sve veći broj motociklista



POGREŠNO IME, PREZIME, GRAD...

Gradani plaćaju slovne pogreške bh. službenika

Ljiljana Vidačak // MOSTAR

Zamjena dokumenata građana godinama obično predstavlja ogroman problem. Od prometnih i vozačkih dozvola, osobnih iskaznica, putovnica pa nadalje, izdavanje je prava noćna mora. Čak i ako zanemarimo gužve, redove pred šalterima, građani se suočavaju s posebnim problemom. Za svaku pogrešku koju načini državni službenik pogrešnim unošenjem podataka, trošak ispravke snose nedužni građani.

Problem s mjestom rođenja

Najčešće se u problemu s izdavanjem dokumenata nađu oni rođeni u inozemstvu. "Rođen sam u Njemačkoj i redovito imam problem s mjestom rođenja u dokumentima. Grad u kojem sam rođen svaki put pogrešno upišu. Svaka službenica to upiše na neki samo njoj svojstven način. Ili dodaju slovo kojeg uopće nema ili ispuste neko. I sad imam pogrešku na dokumentu, ali stvarno nemam ni strpljenja ni vremena to ispravljati. Što je najžalosnije, znam da zbog toga mogu imati



U FBiH za promjenu imena nadležni su MUP-ovi, a u RS-u općine

problem i da plaćam tuđe pogreške, ali stvarno više nemam živaca za nepismene službenike", požalio nam se jedan čitatelj. Ako građani ne reagiraju preventivno, navrijeme i bez pritiska, u budućnosti zbog pogreški u dokumentima mogu imati velikih problema. I dok u matične urede nerijetko odemo, kao i u administrativne odjele policijskih postaja, mnogo rjeđe posjetimo zemljišno-knjižne urede. Tamo ima najviše pogrešaka. Najrjeđe građani tamo ažuriraju podatke koji su uneseni još desetljećima prije. I onda kad se nakon smrti jednog od predaka dode do ostavinske rasprave, a obitelj se još raspe po svijetu, javljaju se problemi.

Pogreške stare 50 godina

"Sad uglavnom ispravljamo pogreške unesene u dokumente prije 50 godina i više. Tada su unošene slovne pogreške. Recimo, Č ili Ć, DŽ ili Đ, izostavljano je slovo H, pa su pisane i skraćenice, poput 'H. Mehano-vić', umjesto 'Hadžimehanović'. Građani ili nisu provjeravali, ili su nemarno prelazili preko tog ili su jednostavno bili nepismeni, pa su prihvaćali sve što im se ponudi", kazao je za Al Jazeera Nermina Pinjagić iz Odsjeka za opću upravu Visoko. Najčešće primaju zahtjeve za ispravak slova u imenu ili prezimenu i ispravak jedinstvenog matičnog broja, upisa u zemljišno-knjižnom ulošku. Postupak je u cijeloj FBiH isti. Vodi ga i popunjava svaka lokalna zajednica pojedinačno. Tako je i u RS-u i Distriktu Brčko, a samo Agencija za identifikacijske dokumente, evidenciju i razmjenu podataka BiH ima pristup svim registrima. Matične knjige nekad su vodene ručno, kao i upis podataka u dokumente. U tim okolnostima događale su se brojne pogreške. "Poslije uspostave el. matičnog registra te stvari postale su prošlost. Neću reći da se ne griješi jer živ čovjek može pogriješiti, ali se svaka pogreška brzo ustanovi i riješi. I to besplatno. U matičnim uredima općina sve je besplatno, a sad praktički samo ispravljamo nekadašnje pogrešno unesene podatke. Nakon donošenja Zakona o matičnim knjigama iz 2012. i 2014., broj zahtjeva izuzetno je smanjen, pa je tako u 2013. bilo 560, a lani 226. Trenutačno nemamo neriješenih zahtjeva", kazao je Pinjagić. ●

560

NAKON DONOŠENJA ZAKONA O MATIČNIM KNJIGAMA IZ 2012. I 2014., BROJ ZAHTJEVA IZUZETNO JE SMANJEN, PA IH JE TAKO U 2013. GODINI BILO 560, A U 2018. GODINI 226

10 KM

KADA SE PODACI IZ OSOBNE ISKAZNICE I RODNOG LISTA NE PODUDARAJU, PROVJERAVA SE IDENTITET, A GRAĐANI SU DUŽNI PLATITI PRISTOJBU U IZNOSU OD 10 KM

2 MIL.

U BIH JE 2.052.367 NEVAŽEĆIH OSOBNIH ISPRAVA, OD TOGA, OSOBNIH ISKAZNICA JE 218.560, VOZAČKIH DOZVOLA 224.521 I 1.609.286 PUTOVNICA, MNOGI OVO PRAVDAJU BESPARICOM